

Informashon tokante
departamento di
Special Care



Fundashon Mariadal

A photograph of a modern hospital room. In the foreground, a white hospital bed with blue accents is neatly made with white linens and a pillow. To the left of the bed, a medical workstation is mounted on a wall, featuring two monitors. The top monitor displays the word "Ortstagen" in a dark font. Below it, another monitor shows a grid of data. Various medical devices, including a ventilator and other monitors, are connected to the workstation. Above the workstation, a white overhead arm is labeled "Dräger" and "Agila". To the right of the bed, a tall metal stand holds several medical devices with green buttons. The room has light-colored walls, a blue floor, and a window on the left side. An orange rounded rectangle is overlaid on the right side of the image, containing white text.

Informashon
tokante
departamento di
Special Care

E departamento di Special Care (kuido spesial) ta konsistí di diferente komponente di kuido. E pashèntnan den e departamento akí tin mester di vigilansia intensivo di nan funshonnan vital òf di kuido mas intensivo pa motibu di un situashon krítiko di salú.

Na momentu di atmishon, e spesialisista ta formulá un plan di tratamentu, ku e enfermera(o) di Special Care ta ehekutá minusiosamente. E enfermera(o) akí a keda kapasitá i spesialisá den kuido intensivo i kuido pa pashènt di kurason.

Persona di kontakto

E persona di kontakto ta esun ku ta risibí informashon di dòkternan i enfermera(o)nan di Special Care. Famia tin ku disidí ken ta laga su number di telefòn i su informashonnan di kontakto atras serka e enfermera(o), di manera ku por aserká e persona akí ora tin pregunta.

Por asigná solamente un (1) persona komo persona di kontakto. E persona akí ta kompartí e informashon ku e risibí ku e otro miembronan di famia.

Traspaso pa departamento di kuido

Si e situashon mehorá i vigilansia no ta nesesario mas, por traspasá e pashènt pa e departamento di kuido 'Sentebibu'. Na momentu di e traspaso, puntra e enfermera(o)nan di Sentebibu kua ta e oranan di bishita i e reglanan vigente.

Traspaso pa un otro instituto di kuido

Den sierto situashonnan por ta nesesario pa kontinuá ku e tratamentu na un otro lokalidat. Fundashon Mariadal ta regla e transporte akí pa pashèntnan di Boneiru. Bo ta risibí instrukshon serka e personal tokante kiko bo tin ku hasi. Sòru pa bo pasport i sédula ta na òrdu si un buelo ta nesesario.



Lesu ku
atenshon!

General

- Nos ta konsehá bo pa bai kas ku sèn i otro kosnan di balor di e pashènt. Un enfermera(o) di Special Care lo duna bo un formulario pa yena. Pa asina por konfirmá ku a entregá esaki na e persona di kontakto.
- Si abo mes òf bo famia ta usa remedi spesial, e ora ei bai hòspital ku esaki.
- No ta pèrmití pa saka potrèt, ni hasi grabashon ni traha video di e pashènt i tampoko di e personal di Special Care.



Bishita

Ora di bishita ta di 12:00 or pa 13:00 or

i di 19:00 or pa 20:00 or.

Pa kada pashènt ta pèrmití maksimalmente 2 hende.

Den konsulta ku e enfermera(o) di Special Care bo por traha otro sita. Pa otro preguntanan bo por akudí tambe serka e enfermera(o) di Special Care.

Alkansabilidat

Bo por alkansá departamento di Special Care via e number general di hòspital: **+599 780 02 17**.

Turista òf hende ku tin un otro tipo di seguro

Si bo ta un turista òf bo tin un otro tipo di seguro, tin otro regla ku ta na vigor. Esaki por tin konsekuensia pa pagamentu i traspaso. Si esaki ta aplikabel pa bo, nos ta pidi bo pa yena un formulario ku bo ta risibí di e enfermera(o) di Special Care. Sòru pa bo tin e siguiente informashon huntu ku bo:

- informashon di e kompania di seguro
(adrès di email i number di telefòn)
- number di pólisa
- kopia di pasport
- karchi di seguro.

Mester manda e informashon akí tambe pa:

medsec@fundashonmariadal.org

Pronto
rekuperashon!
Tim di Special Care



Fundashon Mariadal

Kaya Soeur Bartola
Kralendijk
Boneiru, Karibe Hulandes
(+599) 715 89 00
info@fundashonmariadal.org

fundashonmariadal.com

